

江蘇府縣志輯

中國地方志集成

元和縣志

中國地方志集成

江蘇府縣志輯 ⑭

乾隆元和縣志

江蘇古籍出版社 ● 上海書店 ● 巴蜀書社

責任編輯 王華寶
封面設計 范一辛

中國地方志集成

江蘇府縣志輯⑭

出版 江蘇古籍出版社

(南京中央路一六五號)

印刷 上海市印刷七廠

發行 新華書店

定價 上海發行所
一三六元

1991年6月第1版 1991年6月第1次印刷

ISBN 7-80519-228-6 / K·108



乾隆元和縣志



(清)	(清)
顧	許
詒	德
祿	潛
	治
纂	修

本書據清乾隆二十六年（一七六

一）刻本影印。此刻本存世稀少。

重脩元和縣志序
凡修國史必徵志於郡國
郡國徵志於州縣是邑志
者國史所取資也考核不
詳是非失實史家何由徵
信乎而是志之良者寥寥
無幾或輯成于倉卒紀載
疎略或增竄於妄庸去取

沈序

冒濫崔銑之安陽汪來之
北地孫立亭之富平孰見
稱說以其多諫略無冒濫
也

世宗憲皇帝御極之二年析長洲
之半為元和晉江江公來
令斯邑謂介是之初不可
無志以備考鑑因延施覽

菴揚皋里諸先生為惣裁
予共頌君嗣宗輩四五人
為分纂設局竹堂悉心蒐
采秉公商榷三年而成書
書乍成江公移治膠城未
付剞劂志落夫已氏手刪
改竄易人物藝文二門半
歸荒謬私自鐫刻將成矣

沈序

桐城張公來令元和見之
謂幾成穢志禁其成書屬
宗方伯曉巖改易且增十
年來所未備方伯服闋旋
赴都張公委邑人監刊至
人未諳體例刪改竄易猶
夫前人元和一志大失始
修之意矣歲己卯同年雪

夢宵野許公調任元和勤
敏郵民百廢漸舉念志乘
爲一邑掌故風去人情因
草損益其時通遷不加脩
輯何以彰
聖朝文物之盛涵煦之深因先
定章程條例邀予主其增
刪而編纂之功願子祿百

沈序

三

悉心經畫舉向之濫入者
刪之後之闕略者補之除
介野疆域城池山阜水利
學校兵防等項凡無可增
損者一仍其舊茲則志

御製以紀

省方之盛典志賦後以述
恩膏之渥加志孝義以見至性

之過人志選舉以見人文
之日盛志官績以見職守
之維嚴志人物則事功無
可稱者貴顯弗錄志行有
可取者微隱必登志藝文
則言關政治事備勸懲然
後入之一切務華失實留
連景光不收也若卷三十

沈序

四

乃六為期十月而成雖不
敢謂與安陽比地富平諸
書頡頏而疎略冒濫者無
之矣今之為史者多以刀
筆筮筮為能許公按字情
殷催科不擾訟退政間復
競之以志乘為務既可備
後來之考鑑亦可為國史

所取資殆班史所謂以經術潤飾吏治者乎予喜是書得復彙觀覺菴諸公數寒暑之苦心未浚而後脩者不踈不濫孤絕前賢故序至初終以弁簡端云

沈序

五

部尚書

予告在籍食俸里人沈澹潛撰時年八十有九



元和縣志序

周禮地官土訓掌道地圖以詔地事王巡守則夾王車誦訓掌道方志以詔觀事王巡守則夾王車邑志者昉於周禮所以備顧問廣獻納也

許序

一

鑿輿所至詢風俗於典章討沿革於載籍則邑志尚矣但田賦時有損益戶口歲漸蕃滋溝洫之隄防屢易學士之撰著日多執舊志以上陳

黼座恐典章失實載籍非真志為文具何以資政治哉治

承乏元和政訟紛繁簿書
填委早夜孜孜惟撫字催
科是務賴人情協和得免
隕越聽斷之暇取邑志反
復披覽因知修輯之不可
緩也志創於雍正四年分
縣以後刻於乾隆五年迄
今又二十餘年土田則有

許序

二

銷陞賦稅則有蠲復倉庾
改而形勢殊人材聚而科
目盛

上諭列於藝文則藁

王言獨行入於人物則垂史例
皇聰明天縱學貫百川古蹟

名區並留題詠山川生色
泉石增輝扈蹕羣公咸為

屬和是宜特列一門使人

知

天章睿藻具有化工卷阿矢音
復見今日爰請同年大宗
伯歸愚沈公為總裁而秉
筆則任之上舍顧君祿百
十閱月告成刑其濫冗補
其闕畧叙賦役之由重而

許序

三

輕述生齒之由寡而衆力
勤而孽息愈饒制備而疏
蓄並利鄉有淳風爭鬪不
作里訾莠民胥篋漸息皆
因

聖聖相

承深仁厚澤涵濡百二十
年之久是以臻此熙皞也
至人物之進退一本至公

不隨不刻節孝之闡揚悉原實據無僭無遺豈非一邑之文獻與從來邑志之良貴思精體要文瞻自潔昔人稱康對山之武功韓五泉之朝邑呂涇野之高陵趙浚谷之平梁而其地則皆秦地人則皆秦人他

許序

四

省罕有匹者是志精而要贍而潔秦人不必擅美於前他日既可為

巡守夾車之獻且以傳之藝林

馬治藉公指南間相參酌得觀厥成序其緣起以告

來者

乾隆辛巳暢月

賜進士出身

勅授文林郎知元和縣事雲夢

許治撰并書



許序

五

原序

張若燦

元和分邑自

世宗

世宗憲皇帝御極之二年始時蒞斯任者爲晉江江公

政通人浹邑乃稱治因思大邑始分宜作志以

垂考核乃造請邑之鉅公碩士哀集舊聞詮次

簡編越一歲書成未及鐫版而公移任嘉定迄

今十餘年矣若燦來官此土識淺才拙以弗克

勝任是懼賴

天子聖聖相承深仁厚澤漸涵浸潤邑雖芬煩得以

元和縣志

原序

一

無事而

國家方修一統志書宜蒼萃郡邑志進諸

闕廷念元和自輯志以後此十餘年中自疆域分

野城池土田山阜水澤無容更易外其他如賦

稅之遞減學校之振興職官之臨蒞科第之日

增風俗之漸還淳樸人材之爭自濯磨與夫孝

子節婦之飭紀敦倫維持世教蒸蒸然進而日

上蒐而羅之以廣采擇固有民社者責也爰訪

舊時分纂之士俾復修輯訂訛核實微顯闡幽

不謬是非不傷繁瑣邑志之中有史筆焉不止

徒誇與博以爭勝於文辭而已夫邑之有志所

以備一邑之掌故也而實爲居官者觸目警心

之助覽建置疆隅念東南澤國或未盡經理也

覽職員師儒念設官分職或未盡教養也覽選

舉科目念人才輻輳何以爬羅剔抉連茹彙征

也覽水利兵防念疏濬訓練何以順性利導有

備無患也而且覽田賦徭役念

天子減租賜復牧民者益當寓撫字於催科也覽民

元和縣志

原序

二

風土俗念

盛世鼓舞作興長民者急當以勸相爲轉移也他

如覽人物之林立節孝之敦行祠祀之報賽以

及第宅冢域之久而彌芳文章道藝之典而可

久則所以表章幽隱褒獎勸勵精誠感格流連

憑弔討論絃誦者無不備焉後之視今猶今之

視昔一己之微惕卽垂爲後人之鑑衡可也而

且邑志之成幸當

聖人繼承之世與海內休養生息於無窮則夫宜

上德意以昭示天下者不在於茲也耶至於網羅未備及向所傳疑而不敢穿鑿附會以實之者姑從闕如以俟後博洽之君子

元和縣志

原序

三

原序

江之煒

世宗憲皇帝御極之二年減浮糧省徭役勸農桑興學校海宇之內生息理極又允督臣分大縣之請於蘇松常三府凡地廣賦重者分之而長洲所分厥名元和
錫嘉名也時之煒承乏斯邑幸值
聖化洋溢仁育義正之時雖拙於理民不致隕越以
卽罪戾因思宣

元和縣志

原序

一

上德意備載土風使後世有所遵守者惟邑志為宜
按長洲舊志前明神宗時邑令江諱盈科修之
入

本朝邑令祝諱聖培又修之江志長於典藻祝志詳於徵考各有所長互見得失歲月既久理宜增修又適當分邑之初不可無志以資考鑑爰敦請鄉先生之負夙望暨士林之多聞者設局纂修毋徇私毋瞻顧歲序一周其書乃成之煒得從諸公後稍加潤色告蒞事焉披覽是書地分其半事核於前訛者正之幽者章之自分野

設建山川之明秀城隍之峻深學校之增修戶口之殷殖賦役之由簡而繁由繁而減與夫農田水利禮樂兵刑文章政治之炳耀於簡編忠孝節烈之光輝於日月凡可法可傳者畧備焉斯文獻之攸寓而古今考鏡之一資也方欲登諸棗梨永爲守是土者徵信因之燁移治膠邑未竟厥緒相距十年桐城張公諱若燦來令茲土又適當

朝家纂修一統志時因復開館續修載前志所未

元和縣志

原序

二

及立體設例槩從原本而缺者補繁者簡事增文省粲然成帙竊喜向所成者之不煩更張而二人同志爲能其底於成也夫今日之元和卽昔日長洲之半而唐萬歲通天以前之吳縣也漢第五倫傳稱其俗多淫祀續圖經稱其尚文尚佛舊志亦謂其有恒產好奢侈今民之生其間者熙熙然有日臻於上之勢人謂其風俗變遷使然而抑知

聖祖漸涵於前

世宗繼承於中

皇上休養於後其潛驅默率者固如是之深且久哉蓋規一邑可以知一郡規一郡可以知天下則邑志之成亦外史氏之所掌

聖朝之德化於以見焉統志之修未必不有取於斯志也

元和縣志

原序

三

重修姓氏

纂修

元和縣知縣 許治

協修

元和縣學訓導 程元基

總裁

禮部尚書在籍食俸 沈德潛

編輯

長洲縣監生 顧詒祿

元和縣志

一

分校

元和縣廩生 吳智

元和縣廩生 顧宗泰

元和縣廩生 於寧

長洲縣廩生 汪美基

初修姓氏

纂修

知太倉州事前元和縣知縣 江之焯

元和縣知縣 張若熾

總裁

吏部考功司員外 施何牧

翰林院庶吉士 吳瞻淇

翰林院編修 楊繩武

翰林院修撰 徐陶璋

元和縣志

一

翰林院庶吉士 宋照

分纂

元和縣學廩生 顧紹敏

元和縣學廩生 朱奕恂

吳縣學歲貢生 楊繼光

長洲縣學廩生 沈德潛

歙縣副榜貢生 吳中衡

長洲縣學生員 嚴渠成

元和縣志圖

城圖

學宮圖

田圩圖



水利圖

縣署圖

元和縣志

卷一圖


城圖



元和縣志

卷一圖


元長學宮圖



元和縣志

卷一

元和縣田圩圖



元和縣志

卷一

元長合境水利全圖

